

度

支

奏

議

庚戌奏議目錄

堂稿七卷

轉餉畫一全行允支疏

七懇休致疏

議祛餉司宿蠹十款疏

邊塞呼籲日聞京邊起解中斷疏

平賦永利修書曠典分官責成疏

歸併臺省二臣清查京邊雜項疏

二年春夏二季邊餉覈實入告疏

遵 旨遴選差官纂修疏

覆科臣裴君賜欽立錠式疏

漕糧積欠懇乞嚴追比重考成疏

度支奏議卷之七

太子少保戶部尚書淄青畢自嚴視草

轉餉畫一疏

題爲轉餉有至便之術司鑰有無弊之法懇乞

聖明著爲畫一以平出納以利輓輸事項者臣以病

困乞休情詞幾竭未蒙

皇上允從雖病體支離尚思積誠補贖再

請而感動

天聽未知何時則臣養痾待

命之日皆曠職悞事之日而臣罪愈不可贖矣用是
不愛一息尚存之頃踵爲

皇上圖涓堦之報フ疾入部勉效鉛レ卽舉一事畫
一籌而委頓焉足以不恨蓋自臣受事以來內
慮倉庫之匱乏外憂九邊之脫巾無刻不討

國計而圖維之已幸略有次第而又仰賴

皇上寵靈

命廷臣集議訐謨入

告見今刻布中外極力督催臣自是可免瓶罍之耻

負乘之咎矣。而就筦庫之事。得一最便之法。爲臣所熟計而至約。同屬所力行而見効者。尚欲仰懇

皇上著爲功令。使共遵守。則委解兌支之法是已。兌支者。借庫爲持平。而不從庫受出入者也。出入之際。爲輕爲重。爲遲爲速。無窮之弊伏焉。蓋解官苦於內收之重。而中實多濡染。監督苦於外解之輕。而中或索贈耗。卽在外餉司亦藉口於部發之短少。而遂乘機扣除。卽有賢者不免隨

風而靡總之皆牢不可破之弊也。臣爲此扼腕
久矣。欲滌其弊。惟在兌支。良以兌支則雖有出
入。實無出入。輕重無所容其私。遲速不得任其
意。卽有庫內奸書猾吏。亦將窮於伎倆之無復
之。解官不必別有鑽營。積棍不得恣爲包攬。而
稱兌自公。轉運自捷矣。奚以明其然也。蓋太倉
錢糧十八充邊餉者也。新庫錢糧盡數充邊餉
者也。今外解一到。各鎮委官環向爭索。隨時給
發。猶虞其晚。若非舉盈之時。發不能盡。尚需貯

庫者也。畢竟歸于委官之手。何必復入筭庫之手。委官之等候踰時望眼欲穿者。尚可遲遲而必多此一番轉折。以爲胥吏枝節地耶。又何惟委官爭於不足。解官苦於無餘。而勞擾未有已。臣自受事之始。因見掛欠之多。卽將新舊二庫法馬比較相同。合爲一式。有稍重者卽加挫磨。計新庫每一千三百兩。減去三兩四錢。太倉每一千兩。減去一兩。又通行各省直藩司餉司。但有法馬輕重不如式。卽令請發更換。又立

樣銀之法每解銀詣部時用銀四錠較勘平準
作爲樣銀外兌內兌以此爲取正欲使內外分
數毫髮不爽以便於兌支耳若能率繇無弊中
外血脉自相貫通決無彼此隔礙偏輕偏重之
患亦無徃昔掛欠成千成百之事矣戶部司屬
監督太倉主事馮世熙新庫主事王國祚亦皆
脩潔自好雅志釐剔到任之日遵臣堂諭俱各
有呈欲全行兌支其說頗詳臣批令遵行蓋已
有口其法外解一到一槩不收入庫一面呈堂

派發一面卽喚解官委官會同巡視科道當堂
面兌登冊入鞘卽時起運其銀錠稍輕者仍令
解官找補解官原有添搭水脚彼亦無駝儻原
錠稍重些須者不妨作正支銷行文知會則濡
染不期絕而絕贈耗不期清而清矣然後通行
督撫餉司知會既係解委自兌餉數充足而猶
藉口庫折出示短少者是餉司直以其身爲射
的耳。要尤在嚴禁解官委官不許通同作弊
私索偏手。俾令利歸私橐。額減軍儲。巡視監督

實爲衡量。其間寓目持平。記載錠件項數務期
明晰。此又責難他諉。決不容秦越相視者也。臣
今業已次第遵行。漸見兌支之明効矣。然臣以
爲凡法不軌於一。不可以程衆。不定自

上。不足以行久。後之筦庫卽有如世熙國祚其人者。
不知又經幾許簡點。幾許酌量。始能出此儉人。
各有心。而利弊乃不可同日語矣。今欲立爲定
制。舊餉萬金以上。新餉千金以上。悉與兌支。緣
太倉自九邊外。尚有官俸商價及京營草料等

項歲以數十萬計。新餉自關寧畿甸外。亦有召買運價工食等項。歲亦以數萬計。且外解多有零星幾兩幾錢。不便於兌支者。不妨收庫以待零發。要以公平爲主。但爲數不多。歸於不失兌支之意而已。至於美銀之說。曩時固亦小補。然錢糧止有此數。解者旣不可多求。領者又不可少與。此物將奚從出。不幾爲浸漁者藉之口耶。今但斬斷葛藤。全用兌支一法。則此太倉新庫之美餘。卽爲

國家節縮計正自不必垂涎耳。此法立也。一便於
解官。二便於監督。三便於餉司。一舉而三善備
焉。將潔已奉公者。固因以明素心。卽不然者。而
法行已久。難以私更。如蓬之在麻。不扶自直。雖
有貪墨桀黠之徒。亦無所用之矣。此真拔本塞
源一清永清之術也。○臣又有

請焉。新庫舊庫一體也。舊庫設有巡視科道。而新庫
獨否。且舊庫巡視萬金以上。乃始下庫監收。而
不監放。今旣行兌支。則收之時卽放之時。總在

巡視一覽中耳而所藉彈壓者多矣。若夫新庫以終歲數百萬之出入而無一風憲耳目之臣爲之協同綜覈此亦軍興創制疎略之一端也。查有督餉御史一員向來專職新餉不與庫事合無令照巡視太倉一體行事監同兌支稽查出入則收放之道亦復一貫之而需索短少亦永免紛呶之徑竇。臣雖在病困竊見

聖明注意庫藏鄭重錢糧而軍儲邊餉所關尤鉅故從床褥呻吟求其實實可行而永永無弊者舉

以上

聞於以少荅

高厚稍追鰥曠未必不在此舉也伏惟

聖明裁察施行

崇禎二年五月二十五日具

題本月二十八日奉

聖旨邊餉解發允支良便且可以祛筦庫等弊隨該
有效着新舊畫一通遵新餉出入督餉御史照太
倉例一體巡察胥如議行該衙門知道欽此

七懇休致疏

奏爲屢疏乞骸未允人言突至堪羞七懇

天恩立賜休致以遂苦情以全晚節事臣頃以脾胃
虛弱泄痢瀕危沉痾難起六疏乞骸不啻唇焦
穎飛勢迫詞窮矣於五月十七日奉

聖旨卿司計勞苦朕所鑒知旣奏偶恙已漸痊准
調理二三日卽出理部務不必再陳該部知道欽此
臣跪誦之下不覺涕泗霑膺垂絕復醒

明旨謂司計勞苦朕所鑒知是直以推心置腹之

愚待臣也。又限調理二三日卽出理部務是又無
曠職之訐惕臣也。臣用且感且懼。雖支離病骨
扶掖而出趨。

朝入。有不敢以頃刻淹者。惟是臣病已入膏肓。
豈調理數日可愈。部務大費撐支。豈衰殘微臣
克堪政擬。遲旬日再申前。

請忽值

聖躬深居邃攝。遂不敢造次瀆陳矣。比接邸報。見協
理詹事府事禮部右侍郎羅喻義有大學見行。

之制書必不可毀一疏疏末數語有感於黃髮
之無愆欲慎重刑名錢穀而致慨於今之錢穀
主者爲尸居縻息之人此真救時藥石而於臣
尤實獲我心臣累疏自陳不如禮臣之一言付
寫也臣之負乘溺職不勝厥任

皇上雖心鑒之而猶姑優容之臣屢疏乞骸

皇上若謂或有矯飾而未之允今禮臣之持論如此
是可以占人情之同而臣之非捏辭托病避難
偷安亦可兩相印証矣且禮臣負宇內重望且

晚當膺大拜留心

國計此正其嘉謨嘉猷入告我

后之一端也。

皇上卽不信臣言又安可不信禮臣之言也夫

皇上之諄諄留臣將爲軍

國錢穀計乎則臣衰病昏瞶之餘其不足以補

時艱審矣必待庚癸遍呼叢挫滋罪臣縱萬死

不足贖其如

祖稷何將爲微臣功名計乎人臣致

主止有此身而廉耻者尤立身大防也。今以極衰極
病之身夜行不休以致愆尤日積漸來指摘之
口卽

皇上曲加憫念亦不能爲臣地矣。蓋臣頽齡篤疾不
堪鞭策負

恩誤

國私心廩廩曠官若此。一宜去。辰入酉出拮据部
務交游覲謁一切報罷踈節若此。二宜去。姜桂
鄙性至老弗移囑託情面槩難曲徇不合時宜

如此三宜去。目今

皇上勵精圖治。諸臣莫不精白承休。勵勤

國計。豈患乏人。而使衰病微臣。負此三可去罪。徒抱憂讒畏譏之心。惟有抑鬱待盡耳。臣敢再疏冒死以

請。詞更竭矣。情更棘矣。

聖慈亦可以憐而放之矣。伏乞

皇上電。臣累疏。旁采人言。鑒臣苦衷。全臣晚節。

立賜休致。蚤令回籍。則所以資臣者實多。臣惟有

皇恩於無疆祝

聖壽於萬年已耳。無任惶悚激切之至。

崇禎二年六月初九日具

奏本月十二日奉

旨卿任事勤敏。部無留務。且精力健盛。心思周詳。國計方切倚賴。還加意料理。奏內旁及之言。不必介懷。部知道。欽此。

議祛餉司宿蠹十款疏

題爲邊徼告急釐剔爲先謹議盡祛餉司宿蠹以清軍儲事臣惟天下財賦皆臣部筦之而臣部分司之者則內而倉庫外而糧儲各官也倉庫之事臣已略陳其槩業蒙

皇上俞允申飭矣至外之餉司與三軍尤親士馬飽邊事安危俱於是乎寄其所關更重其間款項頗衆頭緒亦多總之出納欲平綜覈欲清而已不平則收支之際易生熖亂不清則開除之

際易。主影。具耗餉兆。衆所繇來矣。臣願立一
清惟平之法。外與餉司共守之。而內則臣部
操之。使循之。井井有條。而背之。萬萬不可。內
外之間。呼吸立應。黑白難掩。如是而餉司亦可
以寡過矣。蓋立法與用人不同。用人則擇賢者
立法則防不肖。餉司皆經選擇。非必不肖也。而
立法則先窮其不肖之路。且使賢者樂有所遵
而不煩更張改革之尤。此永永無弊之術也。願
臺臣饒京有酌議理餉之官。一疏內一款云。

庭之餉司當議也兵餉已經戶部解發似可解
解撫院檄各兵散領勿謂大臣不親細事每見
鼓譟先及撫臣當使恩怨擔子以重臣肩之何
必又經戶部分司之手也豈其必有餉司而後
能查兵額虛實乎等因續奉

聖旨關切兵餉一并覆行欽此臣細繹臺臣具疏之
意蓋有慨於餉司之不肖者叢神之不問而又
因以爲利一以爲豺狼一以爲猫鼠不如專任
司道而臨之撫按之彈壓爲計甚便苦心哉其

言之矣。然以臣今日之法行之。則前弊既無所庸。餉司亦可。司道亦可。均之歸於清楚而已。其去其留一聽

上斷。非臣部所敢擅擬也。謹將清餉事宜列爲十款伏乞

聖明裁察施行

計開

一曰痛革京運庫折之弊

九邊軍餉除鹽兌民運外。什七仰給京運

每鎮增至二三十萬或四五十萬此項銀
兩不知費幾多催督幾多轉運以百姓之
膏血供三軍之命脉亦至不易矣乃從前
或內外法馬不一或筭庫給發稍輕以致
各邊委官因而打邊敲珠中途竊取其弊
甚多到彼秤兌偶有不符而餉司隨設庫
折之名出示曉諭卽賢者不免焉但賢者
所謂拆不過偶然爲數不多而不肖者乘
機增數恣意扣除逮於支放貪弁鑿鑿包

封其假此名色而侵削諸軍者又不
許矣。今臣部法馬既已較定，兌支立爲畫
一。凡解銀到日，該餉司按冊稽查，係某處
銀兩與某解官秤兌，一一詳驗。如有短少，
須解送同城督撫兵道眼前抽鞘秤兌，或
內或外，直窮到底，務使作弊者無所容其
奸。至於分散各營督撫兵道，亦須抽封秤
驗。餉司既無庫折，而各營有短少者，卽係
侵剋。罪在不宥。倘餉司不自愛，仍立庫折

名色以巧爲扣尅詎臣部訪知繩以白簡
又何詞焉

二曰力滌民運出納之規

各鎮餉銀除京運外多賴民運本折不一
而拖欠者多至百萬少至二五十萬如河
南山東北直等處所欠宣大民運陸續報
完究竟亦不多欠其拖欠最夥者惟山陝
二省耳夫山陝京邊錢糧盡充民運而運
負若斯豈

國家惟正之供。獨可寬於二省乎。雖繇年來。追徵不前。而有司沿習於積玩。撫道避於催科。所從來久矣。邇來民運勒入考。歲事稍登。一體查叅。再有不。如額者。有司雖欲私邀一恩。撫按雖欲曲庇一人。不可得矣。惟是民運解到。餉司爲政。有苦於加耗之太重者。有苦於下役之需索者。致令百姓賠累不支。視爲畏途。已非恤民之道矣。比至給餉。依然扣除。猶然短少。卽如近

日大同餉司徐克讓形之白簡至有人增
加二出扣加二之說。有人心者豈忍爲之。
值此催徵艱苦之時。當爲鼓舞招徠之術。
今後各餉司解到民運銀兩。就令解役自
已下秤。當堂敲兌。務以針平爲止。餉司親
爲驗看。不許庫役需索要挾。高下其手。至
發餉時。亦聽領餉委官敲兌准足。不得恣
爲執拗。就中短少。逮於分散。則又有督撫
兵道抽封秤兌之法。在大都一如京運之

例庶餉司之心跡白而譽尤遠矣

三曰嚴覈積商召買之姦

各邊自民屯本色及薊密漕糧關寧海濱外又有召買米豆草束於以供舊兵之糧糧備新兵之援調立法未嘗不善也厥後日久弊生有名無實奸商巧於漁利而價必多估積書知其溢數而發必扣尅於是其有價值二石而止可置一石者有領銀到手別營生計而粒米寸草不買入倉者

兵到日不過折銀幾分已耳至各邊鎮召
買不過糧廳追比倉積收納多有拖欠
幾六七經年累月百方支吾以圖免比種
種情弊難以枚舉積書洞識此中機關於
領銀日人人科索在在打點此奸商積書
通同作弊牢不可破者也茲欲講求端本
澄源之術如薊密等處新兵月餉頗厚卽
以召買銀兩酌價折給最爲妥便近已行
之有效不煩再議又如援兵舊兵應用糧

料有不得不買者須改商買而爲官買
臣部卷案具載萬曆末年及天啓初年
買舊價每年不甚懸絕後乃藉口災荒
爲濫觴容臣部摘出通行申飭悉照舊
行若秋成以餉司預會撫道議定確價
一面赴部申詳一面在庫那借先委賢
能佐貳官員在於豐稔地方查照時值
買運上倉無庸爲言候詳守株待兔以
致價騰費重則完納自速奸弊自清而
三軍胥需實惠

矣其以前商人有召買掛欠未經完官者
餉司糧廳務在設法追比盡數補完餉司
另立循環文簿赴部倒換逐季銷算亦徹
底澄清之道也

四曰禁絕營伍預支之蠹

官軍月餉按月照管挨項支放此舊例也
近因發餉愆期遂致派放失序如督撫標
兵管暨哨探等營月月先支猶曰重體統
也分緩急也又有均一營伍而餉司視常

例爲緩急吏胥借科索作操縱有先期
給者有二三三月不支者又有原非營伍
軍而借預支名色冒領管運經年累月
後代爲補放如近日煎鎮餉司陳調鼎
者或倩竿牘以恣請托或甘扣除以圖
放致令怨譟繁興不均生嘆是授饑軍以
口實坐使教仇其上也今後放餉除緊急
管伍素有督撫明文者姑准先放一兩月
外其餘務要挨管順伍按月序放不得

徇情面勿聽吏書那移立爲定規敢有越
次呈請者卽行駁查不准如有強橫不遵
者卽呈督撫懲治倘仍受囑預支實緣係
弊是徵司餉者之不公不明在吏役受賄
舞文而部郎且墮其雲霧中何所寃於餉
職之愆也近日惟易州餉司劉象璠立據
司門痛絕預支賈怨狡猾之徒幾罹風波
之險然地方公論自明而本官擔當具見
此可爲餉司之榜樣矣

五曰清理鹽引開中之實

從來九邊召商中引以實塞下之累

祖制也。及後變爲折色。而邊儲始匱。近雖仍舊。又因鹽法壅滯。窮商裹足。兼以邊地多荒。米價翔湧。而邊儲亦匱。臣部業於去歲。擇諸臣議。參以已見。謬陳八款。以解邊內兩商之困。塩法漸有起色。然而收納之弊。又不可不爲釐禁者。夫商人輸粟。例照秋成時估。原屬公平。乃奸商賄通。牙行往往過

擡妄報司道好爲姑息徃徃曲法市恩又
有奸商慮搬運之艱軍士憚候領之苦輒
以糧票自相兌支而官攢得以從中漁利
顆粟不入倉者間亦有之若此皆耗蠹之
門而邊庾之累也合無自今以後令餉司
於每年秋成時會同各道轉行各管糧廳
及州縣正官務將米豆價值博訪城市毋
過抑以病商毋高擡以病

國惟取的確時估蚤行呈部定奪卽督各商上納

本色糧料。定限年終盡完。過期罰罪。姦積滋爲影射。不許軍商自相兌支。庶不
失

國初飛輓之意而邊儲其永裕矣

六曰杜除還官侵沒之實

各鎮兵馬多者十數萬少不下五六萬其
間逃亡倒死無日無之貪弁債帥利於隱
匿不報希圖冒支卽每月各管間有開報
者冊內不過十之一耳乃有造冊在先而

逃故在後者纍纍也且公然乾沒矣各鎮
規例不同有餉司爲政者道府諉非職掌
止循掛號故事不肯細加查覈有撫道府
政者或以臨放所開逃故名數應支銀項
扣作本衙門交際公費在餉司曰吾照數
發銀支放清楚足矣其應扣與否亦爲情
面而不敢問甚且有不肖者隨風逐波又
將冊內開報一二亦那貸私用也曾不思
事關軍餉卽一鎰一銖皆三軍膏血况五

年再閏從來題

准舊例胥借還官抵補而恣意耗蠹若此又復仰給
正餉職掌安在

功令安在合申飭各餉司凡每月放餉先將各
糧冊親閱如無逃故卽移會本道查問是
月有無頂替買補兵馬查明無異方准支
放如有應扣除者於發餉日某管應扣兵
丁逃故銀若干馬匹倒死銀若干存貯在
庫其有臨放而逃故者勒令各營中千一

體開報若積 雖深姦牢不可破者不妨也
請臣部代爲 宜追每次支放扣存還官銀
司旋報督撫衙門存作閏月餉銀不許
各營路作弊亦不許道府竟扣作公費
餉司別有染指以糜

國帑仍於季報收放文冊內明開報部如果查
詳細扣存數多是徵餉司之精明本部必
加優異矣

七日銷算漕糧收支之數

蘄密昌津四鎮分貯漕糧四五十萬以資
邊軍轉輸。它運綦勞綦費亦不易矣。是皆
出於民運。屯運京運之外。而特加優厚者
也。在京倉之收貯。尚有掃積餘米。又有餘
耗餘米。雖漕糧多寡不同。每歲所報餘米
動至鉅萬。而四鎮不然也。在京管之支放
雖冒破未易稽查。尚有還官銀米。四鎮舊
兵業減原額。計軍受糧。豈無贏餘。從來戶
部稽查不及。而該鎮亦多糊塗塞責。未見

支放文冊呈部未見并合美餘報官此何
以解總之溺於積習耽於舊染年復一年
未肯爲

公家積儲一置意耳合行申飭今後餉司以軍數
合糧數逐月銷算要見終歲有無贏餘
倉積餘米及還官餘米每年勒令造冊
部作正支銷以補召買之不足以省軍餉
之虛糜卽令顆粒無多亦軍餉一助也
不則無所辭於爪李之嫌矣

八日定立季報循環之法

各鎮餉司收放兵餉本部舊規立有循環
二簿互相稽察而近日之登填呈報者何
寥寥也如京運銀兩發自本部者兩庫具
有月報尚易知之民運屯糧外解多寡又
烏得而問乎至於各鎮管伍領餉除開寧
二鎮每月開有挨月順伍支放細冊報部
外而別鎮若杳不相涉者合行申飭九邊
餉司修復循環季報之法列爲四柱分填

開列每月收到京運年例銀若干兩係委
官某人解到民運若干兩係官役某人解
到按月挨日確有的數支放某管官兵若
干員名糧銀若干馬騾若干匹頭草料銀
若干此外收放民屯及召買本色糧料另
置循環二扇照前登填詳開細數後結大
總凡循環季報冊內收支實在務要總撤
相合此一報也不但邊儲之虛實本部了
然於目中而九邊之緩急亦可按冊而預

籌之先事預防庶免庚癸之呼矣

九曰珍惜部司廉隅之防

國朝

祖制於督撫兵道外設立餉司一官豈好爲是備員哉夫亦曰司餉者不得司兵而司兵者不再司餉意至深遠也餉司一官上僅受節制於總督至撫院以下皆得分庭抗禮體貌亦隆重矣此宜何如厚自珍惜以肅觀瞻而無桀不肖者之妄自菲薄也卽如大

同餉郎徐克讓者原以乙榜承乏是缺固
已處非其據然猶在差規未定之先也適
值內鎮葛九思出鎮又復當先爲逢共事
逆祠致獲加銜久任誠非望之榮也及後
餉司差規定用甲科非是途者不得與焉
克讓亦可圖退步矣猶然居之不疑廉價
掃地今春關中大盜蠡起徑赴蒲城縣治
劫掠本官家財臣知其厚積而誨盜也

大計之時卽以不謹開送吏部後吏部咨訪不無異

同姑以浮疎降級已厚幸免舊例無庸
轉卽當移文督撫請官攝署而不輕懸
必欲候代而行此時已極之既何以期
尺而謹四知則染指所難免而白簡固自
致矣惟是差官更替先候吏部之題覆
候

勅書之給領時日馳延府奸悞事查舊例道府皆
攝署而本官不以請督撫不以行卽非
部所得而適度也近見新鎮劉有懷調

事順天巡按亦復具題關提勘問矣以
郎清秩一旦囚首對簿按數追贓卽一
不足惜如傷部體何此皆微臣率屬無
之罪姑爲拈出此後各餉司宜共惜廉
且以爲殷鑒可也

十曰裁汰部司加銜之例

先是逆黨魏崔擅權之時威福自擅一時
部郎多有加銜至部堂卿寺者而藩臬
尋常事也其他內外舛錯尊卑混淆尤

枚舉逮於

聖明御極太阿獨持一切冒濫職銜俱滌蕩無遺
乃餉司猶有加銜之例似亦非

祖制也。先是大同餉郎徐克讓加少叅職銜未經
辭澄汰承訛襲舛臣固異之近日關外餉
郎王楫因留再任復加山東按察司僉事
王楫清執有品歷俸已過四年督師嘗
稱焉卽循資而陞亦得此無難乃以加銜
照舊管事以不真不假之官處不內不

之地此本官之所以苦辭而不受也近且
又以捷功題敘陞級矣想在銓衡自有處
分然以京職而加外銜終覺窒礙蓋餉司
見總督例得照京官體衣繡升堂班次在
兵道前今既加外銜矣寧有僉憲兩可者
方伯憲長之上者乎名曰陞之實似抑之
於體貌不便也且既加僉憲則僉憲矣異
日積俸再深將以正郎論俸乎將以僉憲
論俸乎恐內外殊而淹速異非政體畫一

之規於陞轉亦不便也。查

神祖朝部郎俸深者祇有加四品服俸例。又有車
紀錄俟外轉日于應得職銜上加陞一級
二級例。茲不可做而行乎。如此則於體貌
陞轉種種皆便而人情允乎矣。總期盡祛
昔年之陋規。而非敢抗今日之

功令也。

國家慎重名器。願不當出此歟。

崇禎二年六月十八日具

題本月二十五日奉

聖旨這釐剔餉弊諸款着通移各餉司確實遵行有
仍前扣剋及縱容商民侵蝕等弊部科督撫按糾
叅按法究追決無少有依部違愼擇嚴稽不得徇
玩稱職的題加朋儕薦優陞任優擢不必加司道
職銜該衙門知道欽此

原缺

天一法臣所爲不得不以孔棘之實控之

皇上者也客歲各邊舊餉完至二百一十五萬就中
猶有

帑金三十萬那借新餉八萬五千今歲皆難希冀
惟翹首京邊及塩課二項耳二項不繼則九邊
今歲額餉必不能完臣謹先期請罪請死於
皇上之前是望

皇上蚤計而豫圖之也目今六月將終臣查上半年
發過各鎮邊餉除另疏具題外伏祈仰藉

天語俯賜申飭各省直撫按及各省布政司并
各府拖欠京邊錢糧勒令盡數起解不得借
八分九分搪抵考成其二年錢糧已經開徵
俱查出搭解不許貯庫照例題報起解月日
役職名俱限八月下旬完及六分通俟本年
二月終完及九分若果舊例原係壓徵州縣
令撫按覈實報部不得槩聽影射稽緩其省
鹽課積逋仍令帶徵元年務期全完二年亦
歲終完及八分如京邊鹽課有故違濡滯者

頒

憲旨預定處分至於寨管一省辰下二麥已登時
已沛秋成在通備料可行似不得專靠京運
謹將省直運司拖欠未完京邊鹽課細數開列
疏後未候

命下臣部分投移文著實催償一體舉行庶可
垂危而接濟萬一也蓋寓內情厥中於膏肓
天威震疊無以醒久玩之人心而錢糧積逋視爲
套如正額尚拖何敢望剗行之會議此真毫

不容寬假而時刻不能等待者也不然修
仍而各邊變起臣一身盡粉誠不足恤
皇上之封何臣可任悚息懇願之至

計開

各省直太倉京邊錢糧完欠數目

河南省

天啓六年欠銀八千六百八十兩零

七年欠銀八千一百九十七兩零

崇禎元年欠銀一十三萬三千七百六十

五兩零

二年該徵解銀四十一萬八千八百五十兩零全未解

山東省

天啓六年欠銀六百七十三兩零

七年欠銀二萬一千二百三十五兩零

崇禎元年欠銀二十二萬八千五百八兩

零

二年該徵解銀四十九萬一千五百六

十一兩零

已完銀三千八百七十三兩零

未完銀四十八萬七千六百八十八

兩零

浙江省

天啓六年欠銀三百一十七兩零

二年欠銀五千七百兩零

崇禎元年欠銀二萬二千一十六兩零

二年該徵解銀五萬六千五十四兩零

全未解

江西省

崇禎元年欠銀一萬五千三百九十二兩

零

二年該徵解銀四萬七千八百八十兩

兩零全未解

湖廣省

天啓六年欠銀四萬六千二百五十二兩

零

七年欠銀五萬三千六十二兩零

崇禎元年欠銀四萬二千五百四十三兩

零

二年該徵解銀六萬七千五百六十七

兩零全未解

福建省

天啓六年欠銀一千七百二兩零

七年欠銀一千一百八十四兩零

崇禎元年欠銀一萬八千四百一十八兩

零

二年該徵解銀二萬二千四百八十六

兩零全未解

廣東省

崇禎二年該徵解銀九千三百一十六兩

零全未解

南直隸應天府

天啓七年欠銀三千八百八十三兩零

崇禎元年欠銀一萬三千八百七十五兩

零

二年該徵解銀二萬三千二百五十一

兩零全未解

安慶府

天啓六年欠銀五兩零

七年欠銀二百九十五兩零

崇禎元年欠銀二百三十五兩零

二年該徵解銀五千三百二十兩零全

未解

徽州府

天啓六年欠銀三十六兩零

七年欠銀二十六兩零

崇禎元年欠銀二千一百二十七兩零

二年該徵解銀二千一百五十三兩零

全未解

寧國府

天啓六年欠銀四百九十三兩零

七年欠銀四十五兩零

崇禎元年欠銀六千六百八十四兩零
二年該徵解銀二萬二千三百九十兩
兩零全未解

池州府

天啓七年欠銀八百八十七兩零

崇禎元年欠銀八千六百八十五兩零

二年該徵解銀八千六百八十五兩零

全未解

太平府

天啓六年欠銀二百二十二兩零

七年欠銀三百四十四兩零

崇禎元年欠銀二百四十六兩零

二年該徵解銀九千七十兩零

已完銀三千三百七十六兩零

未完銀五千六百九十四兩零

廬州府

天啓七年欠銀二十四兩零

崇禎元年欠銀二百二十九兩零

二年該徵解銀三千三百五十六兩

全未解

鳳陽府

天啓七年欠銀一百八十三兩零

崇禎元年欠銀四千六百二十八兩零

二年該徵解銀一萬三千三百九十兩

兩零全未解

淮安府

天啓六年欠銀二千五百九十三兩零

七年欠銀七千八百七十五兩零

崇禎元年欠銀一萬四千八百五兩零

二年該徵解銀一萬八千六百一十

兩零全未解

揚州府

天啓六年欠銀八百八十八兩零

七年欠銀四十八兩零

崇禎元年欠銀一萬一百五兩零

二年該徵解銀一萬八千九百八十五

兩零全未解

蘇州府

天啓六年欠銀一萬四千二百三十六

零

七年欠銀三萬一千五百五十六兩

崇禎元年欠銀一十三萬三千八百九十

三兩零

二年該徵解銀一十四萬八千八百

十三兩零全未解

松江府

天啓六年欠銀九千九百九十四兩零

七年欠銀二萬五千六百六十二兩零

崇禎元年欠銀四萬一千三百五十八兩

零

二年該徵解銀五萬二百六十八兩零

全未解

常州府

天啓六年欠銀四千五百七十五兩零

七年欠銀六千五百五十二兩零

崇禎元年欠銀三萬五千二百二兩零

二年該徵解銀四萬八千二百五十五

兩零全未解

鎮江府

天啓六年欠銀六十八兩零

七年欠銀二千一百三十五兩零

崇禎元年欠銀三千二百三十一兩零

二年該徵解銀三千二百二十一兩零

全未解

徐州

天啓七年欠銀四十七兩零

崇禎元年欠銀三十四兩零

二年該徵解銀六千四百七十一兩零

全未解

滁州

天啓六年欠銀二兩零

七年欠銀六十五兩零

崇禎元年全完

一、年該徵解銀七百九兩零全完

和州

天啓七年欠銀三兩零

崇禎元年欠銀三兩零

二年該徵解銀五百四十七兩零

已完銀一百四十八兩零

未完銀三百九十九兩零

廣德州

天啓七年欠銀四十七兩零

崇禎元年欠銀八千九百五十二兩零

二年該徵解銀八千九百五十二兩零

全未解

以上天啓六年各省直隸共欠銀九萬零

百三十六兩零

七年共欠銀一十六萬八千五十五兩

零

崇禎元年共欠銀七十四萬四千九百三

十四兩零

二年未解銀一百四十九萬八千八百五十六兩零

各省直運司提舉司舊餉鹽課完欠數目

兩淮運司每年額解太倉鹽課銀共六十七萬三百二十九兩九錢

夫啓六年未完二十五萬二千零四十六兩一錢二分自崇禎二年起題

每年帶徵十萬三年通完

天啓七年未完一十七萬六千四百一十

兩六錢一分

崇禎元年未完一萬九千五百七十五兩

六錢一分

崇禎二年全欠

兩浙運司每年額解太倉鹽課銀一十四萬

五千兩

崇禎二年全欠

長蘆運司每年額解太倉鹽課銀一十四萬

八千一百三十三兩

崇禎元年未完四千七百九十七兩

崇禎二年全欠

山東運司每年額解太倉鹽課銀五萬三千

三百七十七兩六錢

崇禎元年未完二萬六千三百七十七兩

六錢

崇禎二年全欠

福建運司每年額解太倉鹽課銀二萬九千

四百三十九兩九錢七分

崇禎二年全欠

廣東提舉司每年額解太倉鹽課銀二萬一
千八百六十三兩五錢七分

崇禎元年未完一萬零二百六十六兩零
三分六釐

崇禎二年全欠

通州牙稅銀六百兩

崇禎元年二年俱全未解

以上天啓六七年并崇禎元年各通計
共欠銀五十萬零七十二兩九錢七

分六釐

崇禎二年共欠銀一百零六萬八千七百
四十四兩四分

崇禎二年六月三十日具

題七月初三日奉

聖旨邊庭需餉甚急省直屢催不前好生違玩你部
卽將奏內逋額移咨撫按鹽臣勒限起解至十二

月仍照此本數目開討半年內完解若干併註司
府各官先今職名進閱以憑摘出究處該衙門知
道欽此

平賦永利脩書曠典分官責成疏

題爲平賦法期永利修書事關曠典伏乞分官責
成以重裕

國安民急務事照得賦役全書均徭定賦立爲成
規初未嘗不犁然井然而後稍混淆也自

神祖年間宇宙多事增減不時停派不明在賢者以
石田視之而不加究心在不肖者以土苴置之
而惡其害已臣頃採集臺省部臣之議屢疏陳
請索取省直原初賦役全書爲定本中有刊刻日久

而今昔不相宜者着令彼處無按司道廳以爲
酌以憑臣部覆核俾無名之橫征盡行裁革
括之款項悉入

公家猾胥不得飽其私舞文無所用其巧此一
也將成

一王之令甲亦爲小民之永賴須照

會典事例大加修輯一番定爲不刊永永遵守有
司敢犯者罪無赦然而修何容易乎搜剔不精
款項不悉不可言修委任不專責成不力不可

言修取辦於一人之知識方虞其隘期必於
時之磨勘復慮其促查臣部萬曆七年修會計
錄一書只載起解京邊錢糧偏而不全尚閱歷
多官至崇禎元年修會計冊視前書尤簡亦曠
費時日前後錢糧加減亦自不同倘今賦役全
書若止就冊磨對糊塗了事仰負我

皇上足

國恤民至意正臣之所不敢出也臣日夜飲水與
臣同官左右侍郎李成名錢春曹珍商確事關

重大非立局修定分官責成不可語曰百王
肆以成其事有分任則事無所諉有責成則事
不容怠固臣等所宜同心竭蹶以共襄

大典者也謬陳六款仰冀

聖裁一曰顓總理計寓內一十五省直頭緒紛淆其
間文移之批駁款項之稽查冊籍之督催提綱
挈領須以一人主之臣卽昏耗必竭狗馬爲諸
臣先固不敢辭其勞者及查臣部左右侍郎其
四人除倉場政務殷繁照管不便外如侍郎等

原缺

上聞侍郎總其上司官分其下則任有專屬而責無
他諉矣三日重提調查賦役全書一事案呈題
覆原係陝西司承行收掌分派調停申飭惟該
司是任今該司郎中王在臺已陞漢中知府矣
此事議論紛紜每遇題覆章疏非胸中了然於
錢穀之間者率多閣筆是望銓衡慎擇一英
甲科學識練達者補之始勝其任而匪可以乙
榜任子參也至於十五省直在十三司各有分
管每遇駁查催償各司其事遇纂修官說堂至

目或簡查卷冊回覆或移文省宜催取毋遲
刻其浙江司郎中吳鳴虞聞以忤璫起廢才
超軼而乃久耽林壑不卽受事亦宜催令速來
履任則事有責成而人無愆情矣四曰請監視
事關錢糧情態萬狀此中掛漏朦朧恐非一端
批駁往返亦非一次但愈搜求而愈支吾呼更
急而應轉緩耽延之罪又誰任焉非重以科道
之糾察不可前讀科道諸臣建議諸疏民隱利
弊無不朗徹胸中前疏原擬借重共事今科臣

劉安行以頒

詔行矣見在臺臣毛羽健劉士禎二員皆負兼人才
識查河南道御史楊建烈近有疏云錢穀之事
頭緒絲紛豈一手一足可辦似應額委科道二
員統查省直出入之數另訂賦役全書入數出
數斟酌損益一倣

祖制爲準等因意固甚殷切也今雖不敢盡爲委卸
似亦不妨借其彈壓伏祈

勅令該科題差戶科給事中一員仍

勅令都察院於前二臺臣中題差一員照巡視例
催料理俾司官得以朝夕請教互相參酌凡有
移行外而有司不應者亦得執白簡以繩之庶
此書就正有地報成有期不患問途之無從亦
不苦道旁之築舍矣五曰廣諮詢查寓內府州
縣地方不下一千三百餘處以府計之而與州
縣不同以縣計之而一鄉又不同其名色參差
猶如面貌弊竇隱伏甚於膏盲卽生長鄉土者
耳目猶不能悉乃徒按冊而射覆不亦難乎但

天下縉紳輻輳

京師急公憂

國誰無此念臣部責令纂修司官隨地廣詢遇人
博訪凡地方利弊有司匿不報者虛心下問自
得情實如兵部主事周夢尹屢議全書綽有心
計且本官產於兩浙仕於江左中州賦役必有
確見咨詢立得石畫其它如此類者豈曰乏人
是在各纂修官虛衷折節集思廣益以聞見叅
之文冊而賦役可得其什五矣六曰議翻刻爲

照賦役全書纂修完日必加翻刻始可垂之久顧卷帙浩煩臣部不能代爲刻也卽令刻省直亦不便於刷印也今議纂修刪定完月繕寫三部一

進呈

御覽一畱部存照一發外翻刻俟省直刻成日仍行具奏以一部

進呈以一部解部磨對無差共爲遵守臣部仍復撮其大綱摘其緊要另修出納全書存案如科

臣劉安行之議則中外洞徹巨細明晰民間無私派之隱憂海內有共遵之

王制矣以上六款臣之所以劈畫纂修者大略盡矣乃所猶耿耿於中者惟恐中外諸臣以故事觀之好逸惡勞玩日愒月開其端而不竟其事臣罪且滋甚倘內而堂屬諸臣同心綜覈外而撫按司道竭力照應而巡視諮訪諸臣又從旁鼓舞而贊襄之俾書成有期羣情滿望臣庶可藉手以慰

聖懷於萬一耳如果臣言不謬伏乞

勅下分官責成刻期供事施行臣不勝隕越待
命之至

崇禎二年七月初五日具

題本月初八日奉

聖旨這奏裁定賦役全書專官總理及條畫各款俱
依議司官還遵前旨坐題以憑責成旣差員缺
先擇堪任的量題幾員仍於部寺等衙門新科
士及州縣任滿官訪有心計或自願効勞資

應者陸續題補監視官都察院吏科議題還擇日
開局按季奏報不得延緩該衙門知道欽此

歸併臺省二臣清查京邊雜項疏

題爲遵奉

明旨清查京邊雜項以圖節省事
查先該本部覆四川道御史梁子璠清查京邊雜項緣繇

禡元年十二月十六日奉

聖旨前曾諭兩部官廨一體朕無偏私內外衙門銀已經題汰的備查減省實數未汰的速移文催汰住支俸銀還以命下日爲始陸續給與錦衣衛馬匹三大管巡捕勇士四衛管料草溢原額的行

該衙門各自清理班軍鹽糧犒賞大工既停應
原額及新兵漸補舊伍總協科院查議行清理
日該部再將各項減省總撤數目通行造冊具奏
欽此欽遵隨卽備行各該衙門清汰及清理查
議去後除俸銀一項該

內府各監局先後具題將光祿寺鴻臚寺上林苑
監文思院各帶俸官匠酌議量裁及減支半俸
或行降級雖尚清汰未盡然歲省俸銀亦將及
一萬及太僕寺中書科漸復舊額外其餘如太

醫院太常寺等衙門雖經清汰究竟十止汰其
一耳又如錦衣衛三大營巡捕勇士四衛營集
匹料草班軍鹽糧等項近准回文在錦衣衛
匹則稱並未溢額無從裁減在京營馬匹稱
減省亦無確數而新兵則稱遽然裁減不無
擾俟遇逃故告替漸減糧額在巡捕營馬匹則
稱比原額尚省銀一千八百五十餘兩在勇士
營馬匹止開原額并倒除之數在班軍鹽菜日
糧與犒賞銀兩則止開數日並不稱應裁若干

蓋盡格於因循情面之未化耳若今仍聽該
衙門自行清查不借臺省稽查督催恐終無
局之期也近該總督倉臣南居益題爲直陳
計匱竭之狀等事本年六月初二日奉

聖旨這查奏倉庫銀糧先令支放款項甚悉卽如
糧搭放僅支二年不加裁節後何以繼著該部
行各該衙門且照萬曆四十六年額數講求因革
絲立法查汰自行回奏都察院吏科舉科道官
各一員專管督催稽覈不得以前因循但以空言

責該衙門知道欽此欽遵仰見

皇上法

祖勤政注意錢穀不啻乾健風雷之勇隨蒙題差科
道二員汪始亨沈猶龍專管督催稽覈從此以
後各該衙門自凜於

功令之森肅勒限澄汰無復敢有怠緩從事者矣
近該臺臣梁子璠復行具疏催請又奉

明旨京營京支也着上緊查奏欽此但臺臣及臣部
所奏清查京營京支錢糧與臣部侍郎南居益

所奏事本相關義同一體不宜稍漏參差
情怠玩全借臺省風稜以爲振刷伏冀

天語再爲申飭將前項京營京支但未經查完者
勅令前差科道二臣一併作速督催竣事仍將清查
過減省總撤數目造冊移會臣部俾得藉手奏
報庶冗濫立見清楚其所裨國計者非淺鮮矣
崇禎二年七月初八日具題本月十一日奉
聖旨京營京支各項未經查完的着汪始亨沈猶龍
一併催覈具奏欽此

二年春夏二季邊餉覈實入 告疏

題爲春夏二季已踰邊餉給發宜晰謹覈實入

告仰實

聖明俯對邊鎮事今

國家之所最急者無過邊餉

皇上之所焦勞者亦無過邊餉頃臣以邊塞陲鎮

聞京邊起解中斷備述危急情形具疏上

聞伏蒙

俞旨勅臣移咨撫按鹽官勒限督催仍令臣部至才

二月開註半年內完解若干并註先令項數
員職名進閱恭聽

摘究缺惟

憲旨有赫料各省直諸臣共惕於

震疊之威必盡起其寐情之習目今秋防屆期需餉
倍急所冀輸輓源源而至俾臣得藉手以是惠
我國而仰答

皇上宵旰之思將在於此臣不勝感荷頓首已稟
二年之歲事已過半矣計此九邊士卒荷戈

遲日炎伏之內者其飽騰之則

聖主之恩也其饑餒之則臣部之罪也卽犬馬已殫拮据之力而邊徼未圉圓滿之懷然不敢不

陳於

皇上之前也謹按荊州鎮每年原額京運銀四十二萬六千八百七十一兩八錢二分巡撫報節銀一十一萬六千三百一十八兩一錢七分七釐二毫九絲五忽又民兵銀一萬五千兩實該銀二十九萬五千五百五十三兩六錢四分三

釐八毫春夏二季該銀一十四萬七千七百
十六兩八錢二分一釐四毫崇禎二年二月
十六日發二萬兩三月初三日發四萬兩初八
日發二萬兩十二日發二萬兩閏四月十七日
發二萬兩六月十九日發二萬兩二十七日發
三萬兩以上共發過銀一十七萬兩密雲鎮每
年原額京運銀三十六萬五千三百九十一兩
六錢六分巡撫報節省銀八萬七千三百五十二
兩六錢七錢八釐三毫實該銀二十七萬八千三百

十四兩九錢五分一釐七毫春夏二季該銀
十三萬九千一十七兩四錢七分五釐八毫五
絲崇禎二年二月二十六日發一萬兩三月初
六日發二萬兩十四日發二萬兩五月初十日
發七千九百二十九兩三錢五分四釐五毫
發刑部贖銀一萬二千七十兩六錢四分五釐
五毫六月二十七日發三萬五千兩以上共發
過銀一十萬五千兩永平鎮每年原額京運銀
二十八萬九千八百六十六兩四錢八分巡撫

報節省銀四萬七千八百九十八兩六錢五分
一釐一毫五絲七忽一微實該銀二千四百兩
千九百六十七兩八錢四分八釐八毫四絲五
忽九微春夏二季該銀一十二萬九百八十三
兩九錢二分四釐四毫二絲一忽四微餉司呈
報糶糧生息銀一千二百八兩三錢四分崇禎
二年二月二十六日發一萬兩三月初六日發
二萬兩四月十二日發刑部贓銀一萬五千兩
兩七錢三分五釐五月初十日發刑部贓銀一

萬二千七十兩六錢四分五釐五毫二十七
發二萬五千兩以上共扣發過銀七萬八千三
百三十四兩七錢二分五毫昌平鎮每年原額
京運銀一十四萬二百三十二兩四錢七分巡
撫報節省銀一萬五千七百一十五兩六錢四
分七釐三毫實該銀一十二萬四千五百一十
六兩八錢二分二釐七毫春夏二季該銀六萬
二千二百五十八兩四錢一分一釐三毫五絲
扣抵本鎮崇禎元年分開墾荒地銀三十五兩

九絲一忽三微崇禎二年二月二十六日發
萬兩三月初六日發一萬兩四月二十一
一萬兩閏四月二十五日發一萬兩六月
七日發一萬兩又發錢一萬兩以上共扣發
銀六萬三十五兩九絲一忽三微易州鎮每
原額京運銀一十四萬六千五百九十五兩
錢二分春夏二季該銀七萬三千二百九十
兩八錢一分巡按題扣

賞支剩銀一萬一千九百七十一兩零光先等

物變價銀二百五十兩王四等贓銀二千三百
兩崇禎二年四月初二日發二萬兩六月二十
七日發二萬兩以上共扣發過銀五萬四千兩
百二十一兩宣府鎮每年原額京運銀二千九
萬九千一百五十六兩七錢八分春夏二季
銀一十四萬九千五百七十八兩三錢九分
扣犯官汪勳信紙贖銀四千七百八十二兩六
錢二分一釐五毫五絲崇禎二年二月初六日
發二萬兩二十六日發二萬兩三十日發一萬

兩四月三十日發一萬兩六月二十七日發一萬兩以上共扣發過銀一十萬四千七百兩
二兩六錢二分一釐五毫五絲大同鎮無名額京運銀四十五萬六百三十八兩春夏秋三該銀二十二萬五千三百一十九兩崇禎二二二月初六日發三萬兩十七日發二萬兩二十六日發三萬兩三十日發二萬兩三月初六日發三萬兩四月三十日發二萬兩閏四月二十五日發二萬兩五月內餉司報扣餘羨銀一

兩六月十九日發二萬兩二十七日發三萬兩
又臨德倉米二萬石作銀一萬二千兩以上共
發過銀二十四萬三千兩山西鎮每年原額
運銀二十萬六千三百兩春夏二季該銀一
萬三千一百五十兩巡按題扣巡撫裁省京
庫給銀一百三十三兩四錢崇禎二年二月
六日發二萬兩三十日發一萬兩四月初九日
發一萬兩三十日發一萬兩六月二十七日發
二萬三千兩以上共扣發過銀七萬三千一百

二千三百四錢延綏鎮每年原額京邊銀
三萬三千七百三十九兩八錢七分巡撫銀
省銀二萬二千一百兩實該銀四十一萬
六百三十九兩八錢七分春夏二季該銀二
萬五千八百一十九兩九錢三分五釐崇禎
年二月初六日發二萬兩二十六日發二萬兩
三月二十三日發一萬五千兩四月十五日
一萬兩題留新餉加派銀一十萬兩五月十
日發二萬兩六月十九日發二萬兩二十

發二萬五千兩以上共扣發過銀二十三萬兩
寧夏鎮每年原額京運銀一十三萬三千七百
九十五兩二錢五分巡撫報節省銀五千五百
八十八兩四錢六分實該銀一十二萬八千一
百六兩七錢九分春夏二季該銀六萬四千一
百三兩三錢九分五釐崇禎二年正月二十
日發一萬兩三月二十三日發五千兩四月十
五日發一萬兩題留新餉加派銀四萬兩六月
二十七日發二萬兩以上共扣發過銀八萬五

十兩其肅鎮每年原額京運銀一十九萬
五百八十八兩五錢三分五釐巡撫報節
一萬三百五十二兩九錢九分八釐實該銀
十八萬七千二百三十五兩五錢三分七釐
夏二季該銀九萬三千六百一十七兩七錢
分八釐巡茶題扣陳茶變價銀一萬一百二
三兩巡撫題扣開墾荒田銀八千九百三十
崇禎二年四月初二日發二萬兩二十七
二萬兩五月十四日發二萬兩六月二十

發二萬兩以上共扣發過銀九萬九千五十三兩固原鎮每年原額京運銀一十四萬五千八百二十三兩九錢二分六釐春夏二季該銀五萬二千九百一十一兩九錢六分三釐巡茶庫扣陳茶變價銀二萬二千五百五十八兩一錢二分又扣留新餉茶贖等銀三千一百二十兩崇禎二年三月二十三日發一萬兩四月初九日發一萬五千兩三十日發一萬兩題留新餉加派銀五萬兩六月二十七日發一萬兩以上

共扣發過銀一十二萬六百七十八兩一錢二分下馬關每年原額京運銀四萬二千三百一十二兩九錢六分春夏二季該銀二萬一千一百八十六兩四錢八分崇禎二年四月十六日發一萬兩題留新餉加派銀一萬兩六月二十七日發一萬二千兩以上共扣發過銀三萬二千兩以上各鎮除節省外共該京運銀二百九十五萬八千四十二兩七錢四分九釐四絲二忽九微春夏二季該銀一百四十七萬九千二

十一兩三錢七分四釐五毫二絲一忽四微共
扣發過銀一百四十五萬五千五百三十七兩
八錢六分二釐一毫四絲一忽三微蓋臣嘗領
崇禎元年

御覽補明冊通計九邊原額年例該銀三百五十萬
四千六百二十八兩三錢二分二釐自臣履任
以後各邊督撫所報節省并臣部題減鹽菜銀
二十二萬六千二百五十四兩九錢五分共減
去年例銀五十四萬六千五百八十五兩五錢

七分二釐尚該餉銀二百九十五萬八千四百
餘兩若以一歲十分爲率春夏二季該銀一百
四十一萬九千兩案方及五分之數今臣部止
完過一百四十五萬五千五百三十餘兩僅及
四分八釐以上之數律以原額尚有未敷而較
往年終歲所發者亦似所欠無幾矣在各邊如
薊鎮大同延綏寧夏固原甘肅下馬關等處俱
已發至秋季在宣府密永昌易等處俱尚未完
夏季緣邊塞有緩急民運有多寡臣不得不稍

爲酌濟欲取盈於彼不得不歉於此勢固然耳
顧盈者地處其窘則雖盈而仍見其歉歉者實
居其少又安能指歉以爲盈此各邊之所以終
多缺望而臣部之所以難追罪戾也就中各邊
雖前奉有

明旨先發主餉後發客餉然呼籲旣急臣部亦已通
融措發矣夫邊餉出人之數原不相敵顧兩季
軍餉所爲給發稍逾往年者又非臣之力也外
解拖欠伏蒙

皇上嚴旨督催

天威所懾舊逋既漸完解見徵又復輸將臣所恃以
勉完餉額者賴有此耳且前項餉銀尚有

皇賞扣抵一萬一千九百七十一兩刑部給發并直
隸巡按題扣欽犯贓銀三萬六千七百四十七
兩二分六釐加以陝西兌支新餉二十萬尚有
未補十萬其各省直邊鎮零星扣抵臣俱親筆
登記逐一銷算入數令之始及前額亦良艱
譬則貧兒之補襖襟肘俱露而滂沱務完譬則

精衛之填海頭顱已盡而缺陷尚多臣部之苦
大率類此惟是臣部舊例某年某季所發卽以
某年某季坐題今臣部所發者崇禎二年春夏
二季也而各鎮或有支放元年者甚有支放十
年者在內已停舊而發新在外則壓新而給舊
此則揣時易地不容不然而非有牴牾吝嗇
其間也但令各軍士一月有一月之餉是卽所
謂見月不缺者也乃各鎮猶有將歷年迭欠之
數枚舉而索於臣者臣非不知其迫切之情危

苦之狀也其如點金無術當前坐困何伏
皇上憐臣措處之艱見年正額所欠容臣極力備
竭蹶填補但得各鎮核算主兵實在之數減額
客兵附餘之餉而外解更接濟應手於以完此
歲額無難也若夫各鎮借清汰爲鼓譟之難端
又以鼓譟爲計臣之罪案從來言清兵者章滿
公車非臣部創始也臣部從此不敢更言清兵
矣至於以前積逋志欲前而力不贍心無窮而
餉有限方今蓋臣盈庭殫心謀

國不難徹底剔釐設法搜括異日儲於大有之源
積於不涸之倉然後容臣次第湊抵亦未晚耳
臣無任皇悚待

命之至

崇禎二年七月十一日具

題本月十六日奉

聖旨覽奏今年春夏各鎮發過餉銀數目知道了。通
融劑量。幾無缺額。具見卿部苦心。以後完給有緒。
自宜協力急公。其主客兵餉核減并外解接濟還

各行申飭務期一體相成合助軍國該衙門知照

欽此

遵 旨遴選差官纂修疏

題爲遵

旨遴選差官以重纂修以專責成事崇禎二年
初一日該本部題爲清賦屢屢

睿懷查覈期於無弊等事初五日奉

聖旨這開列條款卽行該省直撫按遵照裁定作速
具奏但司官不經坐題恐更相推諉還遵前旨題
題精敏三四員隨到隨覈不許陞遷奉差給假稽
覈事竣敘錄優轉該衙門知道欽此本月初五日

又該本部題爲平賦法期永利修書事開牘
等事內開重纂修一款左右侍郎三員每員各
分轄五省直督率纂修每侍郎下遴選心計司
官四員磨勘俱以生長宦遊爲據異時有公差
者不妨除名續補今似不便坐名類題等因本
月初八日奉

聖旨這奏裁定賦役全書專官總理及條畫各款俱
依議司官還遵前旨坐題以憑責成旣差員缺乏
先擇堪任的量題幾員仍於部寺等衙門新科進

士及州縣任滿官訪有心計或自願効勞資序相應者陸續題補監視官都察院吏科議題還擇日開局按季奏報不得延緩該衙門知道欽此欽遵抄出到部除監視官聽都察院吏科議題外所有題差司官相應題

請爲照纂修全書一役上關

國家之財賦下繫小民之命脉任重事繁非專官無以責成效非題差無以專委任致厯

睿慮特頒

明旨勅令臣部遴選坐名題委不許陞遷奉差
仰見

聖慮周詳責望殷切臣等敢不竭癡駑鈍以副
皇上足國裕民至意查得本部四川司主事李縉
山西司主事吳起龍江西司主事陳觀陽山東
司主事喻思慥河南司主事朱家仕山西司主
事耿啓俱饒有心計且才更練達堪委前任相
應坐名題委每堂總裁員下姑委二員簡閱該
諸臣決不敢怠緩從事有負

皇上之任使也倘臣部再有續到司屬及訪有別衙門心計之官自願効勞者容臣部陸續題補務滿十二人之數以共襄厥成也設局若太遼遠恐總裁官不便稽查今議將臣部後堂左右廡房并觀政房分爲三處若科道官前來商確則齊集於事例後庫以便出入其開局訂期於十七日難更緩矣抑臣竊有請焉事關十五省直田賦差役臣部堂屬之間亟擬夙夜匪懈刻期報成卽以一歲爲限似猶覺其遲者但書內應

增應減臣部難以懸斷卽懸斷矣仍慮有礙
於遵守必費覆請原經題奉

明旨令各撫按裁定具奏今全書解到者僅四五
直而已經裁定者尙茫無一至卽至而混淆者
仍須駁查恐不能不少淹時日也辰下各官雖
欲注目繕閱終是袖手株守伏乞

天語叮嚀俾各省直毋違臣部原題遠者五月近者
三月裁定回

奏之限至於纂修各官俛首簿書繁而且冷蒙昧

者既難勝任諳練者視爲畏途令人未免有王
事獨賢之歎仍俟一年之外刻有勞績修完二
部者准與應得之差用酬磨勘之勤而別選
英銳者以代其任亦所以均勞逸而示體悉也
崇禎二年七月十二日具

題本月十五日奉

聖旨這賦役修書各官選委酬敘依議旨直全書該
撫按詳加裁定各依原題依限速解遲緩部科查
參俱嚴飭行欽此

覆科臣裴君賜 欽立錠式疏

題爲

欽立錠式

嚴勅速行以杜尅剝之端以蘇倒懸之命事崇禎二
年六月二十九日該戶科抄出戶科給事中
君賜題前事奉

聖旨錠式欽降法馬著申明舊制嚴禁耗搭等弊毛
約孟劉光祚該撫按查奏倉糧收放卽與申飭吏
兵司官加銜不必叅入奏中該部知道欽此欽遵

除榮陽知縣毛約孟鄭州知州劉光祚移咨
南撫按另行查奏其錠式法馬嚴禁耗搭等
係臣部職掌合行具覆該臣等看得天下不
弊之不清而患制之不定制一定而行之必
飭之惟嚴則侵漁之術無所施奸宄之心不
動從來剔蠹除弊道無易此者自法制弛而
之貪酷下之搏噬相緣而起凡此下民幾不
命矣然此二端獲罪甚顯爲臣子者卽甚不
亦咸知諱言之惟是耗搭之弊其名亦稱惟

之供而每假額內補欠之名以遂額外網取之
實則相沿之陋習而積年不能破者也夫耗搭
之說皆借口于不足而起者也有不足之耗搭
遂亦有有餘之耗搭久之正供自正供耗搭自
耗搭且也正供可少而耗搭不可少此亦弊之
無可奈何者也去其耗搭而弊窮矣去其有餘
不足而耗搭窮矣輕重制于一定遠近無所異
同而有餘不足之說窮無復可借口者矣善乎
科臣裴君賜熟觀狼貪鼠竊之習痛指極弊四

端尤兢兢以耗搭爲戒思欲準法馬一錠

造

聖旨其上以折其不肖之萌真端本澄源之至計也夫銀以五十兩爲一錠其初良有至意想當內而在京外而省直司府等衙門頒行法馬不差之毫釐一統之制豈有參差柰法久弊生
在貪官猾吏或于本處法馬故重之以利于人又駕言京收法馬之重而種種入耗幫搭之弊因之而起且此之開端彼之效尤積漸濫觴

不可復止耳臣于受事之初深知掛欠之昔隨
將新舊法馬較準磨損申飭通行然臣部之所
收第收之在官者也而在官之所收則收之小
民者也臣部之收于官者臣得而約束之而天
下之官所收于民者臣不得而問焉則權有所
不能及勢有所不能齊也倘嚴爲

功令必期通行而加以

聖旨煌煌造于其上則

大威咫尺之下卽有攫金之思亦有所顧忌而不敢

出矣自今伊始行令省直將各法馬較勘
有輕重無度者申請臣部另鑄頒發作爲
欽定式樣俾令省直司府州縣曉然與百姓共見共
聞不拘各項錢糧令細戶自敲上納而上下公
私之際觸目與

天威相對越不惟廉者自知愛鼎卽不肖者亦不得
染指其間法簡而無弊奕世而可守者此類是
也至于各倉之升合莫非民力之普存粒米狼
戾暴殄天物稍知愛惜孰敢屑越臣入部以來

已不啻數數申飭臣之司官亦不啻斤斤遵守
矣其四門倉

西長安門之米緣新舊司官接管之際適遭糧
倉紛紜之期一時車運擁擠穢然曬場弗遑不
及盡收雖未至于沴壞不免稍稽日時然不數
日間已盡登西倉矣科臣憂
國心切觸目動念所以鰓鰓入

告然在臣部實亦未敢泄泄也先是臣部戒諭者屢
矣今合再行申飭使各倉監督倍加小心凡有

米到旋即收倉無緩時刻以滋耗蠹則民食
而倉廩實此則臣部之責而不容他諉者矣

崇禎二年七月二十一日具

題本月二十五日奉

聖旨依議行欽此

漕糧積欠懇乞嚴追比重考成疏

題爲漕糧積欠數多漕事成規大壞懇乞

聖明嚴追比之限重考成之法懲前毖後以整飭新
運事竊照比歲漕糧截留歲入失額京支浩費
倉庾匱乏通計舊積新運僅供兩年之用其數
亦岌岌矣臣益日夜憂之而媿補濟之無策也
查天啓七年領運六年分漕糧臣部截叅疏內
掛欠至一十三萬二千五十餘石又見巡倉御
史宋師襄疏稱崇禎元年掛欠至三十二萬石

有奇臣不勝駭異除崇禎元年見在查追銷
未結外因查從前積欠自萬曆四十七年起至
天啓七年止京通邊糧四十七年欠二萬二千
七百二十五石零四十八年欠六千五百一十
八石零元年欠四萬八百七十八石零二年欠
三萬三千九百四十四石零三年欠六萬五千
六百九十石零四年欠九萬二百一十六石零
五年欠十一萬九千六百一十三石零六年欠
二十一萬九千一百五十三石零七年欠一十

一萬二千五百九十石零節年共欠七十萬九千
四百九十餘石天津截糧四十七年欠九百八
十六石零四十八年欠四千九百六十二石零
元年欠二千二百四十八石零二年欠二千八
百六十七石零三年欠六千六百九十七石零
四年欠三千一百六十五石零五年欠一萬六
千三百二十一石零六年欠三萬六千二百五
十四石零七年欠一萬九千五百二十石零節
年共欠九萬三千二十餘石以上京通邊津通

共欠糧八十萬二千五百一十餘石夫此金
餘萬者殫百姓許多膏血費

朝廷許多物力竟聽諸弁鯨吞蚕食臣實驚訝不已
而繼之嘆息也歷稽往牘萬曆四十七八年間
所欠不過二三萬至天啓五六年間竟欠至二
十餘萬雖始緣妖變凍阻而病根之太尤起於
觀望津截逗遛倣尤在京通者猶曰有阻凍因
有耗蠹也在津截者無守候之苦無盤剝之費
無船車驢戶之偷盜而安得復有掛欠闕天啓

六七年間運官通同旗軍水次折乾沿途盜賣
但用厚賄鑽營先截逮交允日打點一番私相
授受足矣其有短少不聽津道稽查不受通緝
追比兩處支吾彼此躲閃揚帆長往莫可誰何
津門不得已則請截正糧以補之數年以來以
漕糧之正額代諸弁補掛欠各弁追比無期身
貌三尺令人齒欲碎而髮盡指若京通掛欠千
石以上者送法司千石以下者送漕司此舊例
也一經叅送其完欠數臣部不得問矣此輩一

片精神不用之完公事且用之免捶楚旋
旋即討保公然逃回以行提爲不了之局至
送漕司者賄吏匿文保歇積棍一身包攬終
代比揚揚歸里照舊管差掌印若不知有掛
者與言及此尚謂

朝廷有刑法乎邇者

聖明在上侵軍盜餉者法無赦不謂漕事積玩習
固然仍牢不可破也臣以爲法必重而後人
敢犯亦必重於敢犯者而後人始懾服第不

而殺則法失其平如天啓七年逆璫用事因德
漕糧積欠用李明道之言一朝而梟指揮韓九
思等五人於河干誠法律所不載論者罪其酷
虐然積玩之餘利用重典似又未可因噎廢食
者也臣比督令雲南司主事薛邦瑞精心磨勘
查出歷年掛欠細數職名攢造清冊合無移咨
刑部漕撫備查臣部歷年叅送各官完過多寡
逐一移會臣部其私自逃回者嚴行撫按緝拿
監禁若現追比而無措者查果真情亦准押解

道府就近監追完納但立法不肅是教之無益
縱之逝也又當限爲定期其三千石以上者限
年先完一半限二年通完一千石上下者限三
年通完一面徑報臣部知會一面仍赴叅送刑
部漕運衙門歸結果能守法全完除復職外移
咨撫按照序管差掌印儻猶逋欠如故除革去
祖職外仍按侵盜律例從重擬罪監候正法其
子孫能補前欠者許赴臣部告明奏

請復職各弁不得朦朧襲替撫按不得優容養奸朋

諸弁之計窮矣顧漕糧掛欠雖不得不責成運官其實水次折乾中途盜賣亦多運軍爲之運官特貪餌吞鉤而不能發覺耳甚有漕糧未交而運軍逍遙歸里聽運官囚首受比者不少也運官既爲該幫領袖就中某某掛欠多寡之數必有冊籍可稽仍令官旗對質明白若以各軍掛欠者責之軍而以運弁侵冒者責之官則事有歸着而衆擎易舉矣各軍月糧數固不貲但遇支放卽行扣補完納亦自易易又聞運軍除

月糧外尚有餘月鈔錠等銀有司多聽吏書
索任意那用捐勒不與寧波運糧指揮臧京等
屢屢見告若肯清覈亦完餉之助也總之貪
狡猾千態萬狀其間侵冒有無家產肥瘠中
法司烏得而適度之欲窮其情而正其罪非責
成於本省糧道本府正官不可容臣部將累年
掛欠會同刑部及漕運衙門嚴行省直撫按轉
行道府設法追比或在運官或在旗甲各名下
勘產變抵確有責成毋相推諉毋容寬假或有

月糧可扣或有官銀未給亦聽隨便設處照數
追補期於盡法而止仍令按期

奏報自行註銷有違玩

明旨者本部會同戶科叅處比照民運考成事例停
其陞轉則道府之追索必力而官旗之規避無
繇人知法嚴而無所逃罪重而不能寬必將竭
力完官卽不愛功名未有不愛性命者此法窮
則變之一術也至津截掛欠漕糧前署部侍郎

王家楨疏

請聽津部追比抵歲入正數業奉

明旨津部屢疏爭執臣因伏而思之津門惟當慎於
始截耳今貪弁膽大包天既可以脫擔而去必
不能提解而來津糧關係如何緊急尚能取汲
西江之水平以追比責津門恐亦非長計也且
各弁逃回日久若令本處撫按着落就近道府
設法追變完官無便此者矣查掛欠米在議單
內昔年止給應得簞羨銀兩聽令運官臨倉買
米上納後因簞羨不敷買米爲艱不知何時建

議每石稻米折銀六錢蒸稻粟米折銀四錢相
沿已又自天啓五年郎中李長春呈詳改爲每
石稻米折銀八錢蒸稻折銀七錢粟米折銀六
錢意在使人畏法不敢拖欠前部允行良有深
意顧價高則輸將愈難額浮則官旗期望徒令
拖欠愈衆積案愈多亦未見其長便也今欲
併歷年掛欠漕糧勢須折價價須畫一當於追
比之中稍寓寬假之意查增價始於五年則五
年以前者斷難照此例矣卽五年以後者援五

年以前例亦未必心服矣低價斟酌似當始以
舊例爲準以八十萬計之通共可得價銀四萬
餘萬兩亦足充米折之匱乏每歲多放米折一
兩月亦可補漕糧之不足至崇禎元年以後仍
照新例追扣還官不當再從寬假以開誨盜之
門者也猶有說焉年來運官凡過淮違限與囤
空少船者巡漕御史照例叅罰臣部覆奉

明旨罰俸降級實繁有徒及行客後竟成故套未見
扣俸還官亦未解部充餉無怪乎各官弁髦視

之也且歷年罰降俸銀爲數甚夥不知作何支
銷非運官照常冒領則地方那借別用所當追
尋查解以充舊餉者也臣非敢過爲刻核當此
三空四盡之時搜括幾盡今以補欠還之

公家不爲多取以法紀申之奸貪尤屬痛快懲前
毖後非着實振刷一翻人心必不大加震悚積
弊必難十分釐革漕事廢弛後來不可收拾又
臣等之所不忍言者也伏祈

聖明勅下臣部將各省直積欠漕糧嚴行追比施行

臣等無任懇切待

命之至

崇禎二年八月十九日具

題本月二十三日奉

聖旨漕糧京通邊津節年掛欠八十餘萬國儲民膏
豈容奸弁吞噬你部便咨會刑部總漕勒限行省
直撫按轉行道府緝拏逃欠官旗分別追比過限
不完的解送來京按侵盜律擬罪道府遵奉延緩
撫按指名叅奏撫按回奏稽遲部科照考成例查

叅各不得違玩其折價酌准舊例及運官扣俸
解依議飭行今後掛欠監比運官法司不行奏請
私自召保的該司官究處不宥該衙門知道欽此